



Namminersorneq pillugu inatsit

Juuni 2009

Kalaallit Nunaanni Namminersorneq pillugu
inatsit nr. 473, 12. juuni 2009-meersoq

Inatsisartut Allattoqarfianit
saqqummersinneqartooq
Novembari 2010

Namminersorneq pillugu inatsit

12. juuni 2009-meersoq

Imai

- Kapitali 1** Namminersorlutik Oqartussat aamma eqqartuussiviit
- Kapitali 2** Namminersorlutik Oqartussat suliassaqarfinnik tiguserat
- Kapitali 3** Kalaallit Nunaanni Namminersorlutik Oqartussat aamma naalagaaffiup akornanni aningaasatigut imminnut susassareqatigiinneq
- Kapitali 4** Nunanut allanut tunngasut
- Kapitali 5** Kalaallit Nunaanni Namminersorlutik Oqartussat naalagaaffimmilu oqartussat inatsisit aqutsinikkullu malittarisassiat pillugit suleqatigiinnerat
- Kapitali 6** Saqitsaannermi aaqqiineq
- Kapitali 7** Oqaatsit
- Kapitali 8** Kalaallit Nunaata namminiilivinnissamut periarfissai
- Kapitali 9** Atuutilersitsineq ikaarsaariarnermilu aalajangersakkat
- Ilanngussaq** Nalunaarsukkat I
Nalunaarsukkat II

Kalaallit Nunaanni Namminersorneq pillugu inatsit nr. 473, 12. juuni 2009-meersoq

UAGUT MARGRETHE AAPPAAT, Guutip Saamaanneranik Danmarkip Dronningia, nalunaarpugut:

Folkeringip akuersissutigisaa aamma Uagut akuersinitsigut inatsit una atortussanngortinneqarpoq:

Nunat tamat akornanni inatsisit malillugit inuiaat kalaallit namminneq aalajangiisnaassuseqarlutik inuiaanerak akueralugu inatsisip matuma tungavigai Danmarkip Kalaallit Nunaatalu akornanni peqatigiinnermi naligiimmik ataqpeqatigiinnerup tatigeqatigiinnerullu siuarsarnissaannik kissaateqarneq. Tamatumunnga naapertuuttumik inatsisip matuma tungavigaa Naalakkersuisut Danmarkimilu naalakkersuisut naligiissutut isumaqatigiissutaat.

Kapitali 1

Namminersorlutik Oqartussat aamma eqqar-tuussiviit

§ 1. Kalaallit Nunaanni Namminersorlutik Oqartussat suliassaqarfii tigusatik pillugit Inatsiliornissamik aamma naalakkersuinissamik pissaaneqarput. Eqqartuussiviit Namminersorlutik Oqartussat pilersitaat Kalaallit Nunaanni suliassaqarfinnut tamanut eqqartuussinissamik pissaaneqarput. Tamanna naapertorlugu inatsisiliornermik pissaaneq Inatsisartuniippoq, naalakkersuinissamik pissaaneq Naalakkersuisuniilluni

aamma eqqartuussinissamik pissaaneq eqqartuussivinniilluni.

Kapitali 2

Namminersorlutik Oqartussat suliassaqarfinnik tiguserat

§ 2. Kalaallit Nunaanni Namminersorlutik Oqartussat aalajangersinnaavaat suliassaqarfii inatsimmut ilanngussamiittut Namminersorlutik Oqartussat tigussagaat.

Imm. 2. Suliassaqarfii arlallit inatsimmut ilanngussami litrap imaluunniit normup ataatsip ataaniippata suliassaqarfii taakku piffissami ataatsimi Kalaallit Nunaanni Namminersorlutik Oqartussanit tiguneqassapput, takuulli imm. 3.

Imm. 3. Kalaallit Nunaanni Namminersorlutik Oqartussat aalajangersinnaavaat suliassaqarfii ilaat inatsimmut ilanngussami nalunaarsukkami I, litra b-miittut aamma nalunaarsukkami II, nr. 15, 25 aamma 27-miittut Namminersorlutik Oqartussat tigussagaat.

§ 3. Suliassaqarfii ilanngussami nalunaarsukkami I-imiittut Kalaallit Nunaanni Namminersorlutik Oqartussanit piffissat Namminersorlutik Oqartussat aalajangigaat malillugit tiguneqartassapput.

Imm. 2. Suliassaqarfii ilanngussami nalunaarsukkami II-miittut Kalaallit Nunaanni Namminersorlutik Oqartussanit piffissani Namminersorlutik Oqartussat naalagaaffimmi oqartussanik isumaqatigiinniuteqareernerisigut aalajangersarneqartuni Namminersorlutik Oqartussanit tiguneqartassapput.

§ 4. Naalakkersuisut aamma Danmarkimi naalakkersuisut isumaqatigiissutigisinnaavaat suliassaqarfii Kalaallit Nunaannuinaq tunngasut ilanngusamili taaneqanngitsut Kalaallit Nunaanni Namminersorlutik Oqartussanit tiguneqarsinnaasut.

Kapitali 3

Kalaallit Nunaanni Namminersorlutik Oqartussat aamma naalagaaffiup akornanni aningaasatigut imminnut susassareqatigiinneq

§ 5. Naalagaaffiup Kalaallit Nunaanni Namminersorlutik Oqartussat ukiumut 3.439,6 mio. koruuninik tapiiffigisassavai, takuulli § 8, imm. 1. Kisitsisit angissusilerneqarput 2009-imi akit akissaatillu qaffasissusii naapertorlugit.

Imm. 2. Tapiissutit ukiumi pineqartumi aningaasanut inatsimmi nalinginnaasumik akit akissaatillu qaffariarnerannut naapertuuttumik ukiumoortumik naleqqussarlugit iluarsineqartassapput.

Imm. 3. Tapiissutit qaammatit tamaasa 1/12-imik siumoortumik akilerneqartassapput.

Imm. 4. Danmarkimi aningaasanut ministeri Naalakkersuisut isumaqatigalugit piffissanik akiliifiusartunik allaasunik malittarisassanik aalajangersaasinnaavoq.

§ 6. Suliassaqarfii Kalaallit Nunaanni Namminersorlutik Oqartussanit §§-ini 2-mit 4-mut pineqartut malillugit tiguneqartut piffissami tiguneqarnerminniit Namminersorlutik Oqartussanit aningaasalorsoneqalissapput.

Imm. 2. Piginat nalillit suliassaqarfimmut tigusamut atavissut Kalaallit Nunaanni Namminersorlutik Oqartussat tigussavaat.

§ 7. Kalaallit Nunaanni atortussiassanik aatsitassanit pisunit iluaquteqarnermit isertitat Kalaallit Nunaanni Namminersorlutik Oqartussanut tuttassapput.

Imm. 2. Isertitat imm. 1-imi taaneqartut tassaapput uku:

- 1) Atortussianit aatsitassanik misissueqqaarnernik, misissueqqissaarnernik iluaquteqarnermilluunniit akuersissutit aalajangersimasut ataasiakkaat malillugit isertitat, taamaattorli aningaasat Aatsitassanut Ikummatissanullu Pisorta qarfiup aningaasartuutaanut matussutissatut akiliutit pinnagit.
- 2) Danmarkimi aamma Kalaallit Nunaanni akileraarutitik isertitat tamarmik, suliffeqarfinit Kalaallit Nunaanni atortussiassanik aatsitassarsiornermut tunngasunik pisinnaatitaanermut akuersissutitik pigisalinnit pisut.
- 3) Kalaallit Nunaanni aamma Danmarkimi pisortatut oqartussat ingerlatseqatigiiffinni il. il. Kalaallit Nunaanni aatsitassarsiornermik ingerlataqarnermi piginneqataassuteqarnermit isertitat.
- 4) Agguagarsiat akileraarutaanit il. il. isertitanit Danmarkimi aamma Kalaallit Nunaanni ingerlatseqatigiiffinni piginneqataassutillinnit, pisinnaatitaanermut akuersissutitik pigisalinnit, imaluunniit ingerlatseqatigiiffinnit, toqqaannartumik toqqaannangikaluartumilluunniit ingerlatseqatigiiffinnit taamaattunik pigisanit, tassanga akileraaruserneqanngitsunit agguagarsianik pissarsiat.

§ 8. Kalaallit Nunaanni Namminersorlutik Oqartussat Kalaallit Nunaanni atortussiassanik

aatsitassanik iluaquteqarnikkut isertitaqassapata, tak. § 7, naalagaaffiup Namminersorlutik Oqartussanut tapiissutai ukiumi pineqartumi isertitat 75 mio. kr.-nit amerlanerussutaasa affaanut naleqquttumik apparneqassapput.

Imm. 2. Inatsisip atulernerata kingorna 1. januar atuutilerfigalugu aningaasat imm. 1-imi taasat 75 mio. kr. ukiumut ukiumi pineqartumi aningaasanut inatsimmi akit akissaatillunalinginnaasumik nalilerneqarnerannut naapertuuttumik iluarsineqarlutik naleqqussarneqartassapput.

Imm. 3. Imm. 1 malillugu naatsorsuineq ukiumi tulliuuttumi pisassaaq, ukiup tulliani akiliutitik isumannaarininnissaq siunertaralugu.

§ 9. Kalaallit Nunaanni Namminersorlutik Oqartussat atortussiassanik aatsitassarsiornermik tunngasunik suliassa qarfimmik tigusineranni Danmarkimi naalakkarsuisut qulakkiissavaat Namminersorlutik Oqartussat atortussiassanik aatsitassarsiornermik tunngasunik ingerlatsinermut atatillugu akiliillutik siunnersorneqarnissaat allatigullu suliarnikkut ingerlatsinnaanissaat.

Imm. 2. Naalakkarsuisut aamma Danmarkimi naalakkarsuisut Kalaallit Nunaanni Namminersorlutik Oqartussat atortussiassanik aatsitassarsiornermik tunngasunik suliassa qarfimmik tigusinerat aallarnerfigalugu imm. 1-imi taasanik sullisinissamik isumaqatigiissuteqassapput.

Imm. 3. Naalakkarsuisut aalajangersinnaapput isumaqatigiissut imm. 2-mi pineqartoq ukiunut arlalinnut atuuttumik isumaqatigiissutitut ilusilerlugu nutarterniarlugu.

Imm. 4. Imm. 2 aamma imm. 3 malillugit isumaqatigiissuteqartoqartillugu Danmarkimi naalak-

kersuisut Kalaallit Nunaanni atortussiassanik aatsitassanik pisunik misissueqqissaanermut tunngasumik ilisimatusarneq immikkut pingaarutilik Naalakkarsuisunut akeqanngitsumik atu-gassanngortissavaat.

§ 10. Naalagaaffiup Kalaallit Nunaanni Namminersorlutik Oqartussanut tapiissutai ikilineqar-pata nungullutik nul koruuningorlutik, tak. § 8, Naalakkarsuisut Danmarkimilu naalakkarsuisut akornanni siunissami Kalaallit Nunaanni Namminersorlutik Oqartussat naalagaaffiullu akornanni aningaasatigut imminut susassarineq pillugu isumaqatigiinniarnert aallartinneqassapput, tassunga ilaatillugit Kalaallit Nunaanni atortussiassanik aatsitassanik pisunit isertitat agguarneqarnissaat, naalagaaffiup Kalaallit Nunaanni Namminersorlutik Oqartussanut tapiissuteqatigittalernissaa aamma sullissinerit § 9-mi pineqartut ingerlaannarsinnaanissaat.

Kapitali 4

Nunanut allanut tunngasut

§ 11. Naalakkarsuisut inuiaat assigiinngitsut akornanni pissutsit pillugit iliuuseqarsinnaapput kapitalimi matumani aalajangersakkat naapertorlugit aamma Danmarkimi naalakkarsuisut isumaqatigiissuteqarfigalugit.

Imm. 2. Naalakkarsuisut Danmarkimilu naalakkarsuisut inuiaat assigiinngitsut akornanni pissutsit pillugit Kalaallit Nunaata soqutigisai aamma Danmarkip Kunneqarfiata ataatsimoortumik soqutigisai isumannaarniarlugit kapitalimi matumani aalajangersakkat naapertorlugit suleqatigiissapput.

Imm. 3. Naalackersuisut kapitali manna naapertorlugu pisinnaatitaaffeqarnerisa inatsit tunngavusoq naapertorlugu Danmarkimi oqartussaasut inuiaat assigiinngitsut akornanni pissutsinut akisussaanerat aamma pisinnaatitaanerat killilingilaa, nunanut allanut tunngasut aamma sillimaniarnermut tunngasunut pillugit naalackersuinikkut ingerlatsineq naalagaaffiup suliassarqarfigimmagu.

§ 12. Naalackersuisut naalagaaffik sinnerlugu nunanik allanik aamma nunat tamalaat akornanni soqutigisaqatigiiffinnik isumaqatiginninniar-sinnaapput isumaqatigiissuteqarsinnaallutillu inatsisit inuiannut tamanut tunngasut pillugit, tassunga ilaatillugit aqutsinermut tunngatillugit isumaqatigiissutit Kalaallit Nunaannuinaq tunngasut, aamma suliassarqarfinnut tamakkiisumik tiguneqarsimasunut tunngassutillit.

Imm. 2. Inatsisit inuiannut tamanut tunngasut pillugit isumaqatigiissutit Kalaallit Nunaannut aamma Savalimmiunut kisimik tunngasut tamakkiisumillu suliassarqarfinnut tigusanut tunngasut pillugit Naalackersuisut Savalimmiunilu naalackersuisut aalajangerneri naapertorlugit naalagaaffik sinnerlugu Naalackersuisut Savalimmiunilu naalackersuisut peqatigiillutik isumatigiinniutigisinnaavaat isumaqatigiissuteqarfigisinaallugillu.

Imm. 3. Inatsisit inuiannut tamanut tunngasut pillugit isumaqatigiissutit imm. 1 imaluunniit imm. 2 malillugit isumaqatigiissutigineqartut taakkunani aalajangersakkat naapertorlugit atorunnaarsinneqarsinnaapput.

Imm. 4. Inatsisit inuiannut tamanut tunngasut

pillugit isumaqatigiissutit illersornissamik sillimaniarnermillu attuisut aammalu inatsisit inuiannut tamanut tunngasut pillugit isumaqatigiissutit Danmarkimut atuuttussat imaluunniit soqutigisaqatigiiffinni nunat tamalaat akornanni Kunngaqarfiup Danmarkip ilaasortaaffigisaata iluani isumaqatigiinniutigineqartut § 13-imi maleruagassatut aalajangersakkat malillugit isumaqatigiinniutigineqarlutillu isumaqatigiissutigineqartassapput.

Imm. 5. Inatsisit inuiannut tamanut tunngasut pillugit isumaqatigiinniarneq sioqqullugu, suut isumaqatiginninnitutigineqartussatut eqqarsaatigineqarnerisut, aamma isumaqatigiinniarnarit ingerlanerat pillugit, isumaqatigiissutit atuutilersinneqarnissaat sioqqullugu imaluunniit isumaqatigiissutit atorunnaarsinnissaat sioqqullugu Naalackersuisut Danmarkimi naalackersuisut nalunaarfingissavaat. Aalajangersagaq manna tunngavigalugu suleqatigiinnermut killissaritat erseqqinnerusut aalajangersarneqassapput Naalackersuisut Danmarkimilu naalackersuisut isumaqatigiinniareernerisigut.

Imm. 6. Inatsisit inuiannut tamanut tunngasut pillugit imm. 1 malillugu isumaqatigiissutit naalagaaffik sinnerlugu Naalackersuisut isumaqatigiissutigisassavaat ima taaguuserlugit:

- 1) Kunngaqarfiup Danmarkip ilaa tassaasoq Kalaallit Nunaat, isumaqatigiissullu naalagaaffiit akornanni isumaqatigiissutitut isikkulerlugu.
- 2) Naalackersuisut, isumaqatigiissut naalackersuisut imaluunniit aqutsisutut oqartussat akornanni isumaqatigiissutitut isikkoqartilugu. Taamatut pisoqartilugu inatsit manna

pillugu isumaqatigiissummut siulequtsiussaq aamma imm. 8-mi aalajangersakkat erseqqinnerusut innersuussutigineqarput.

Imm. 7. Inatsisit inuiannut tamanut tunngasut pillugit imm. 2 malillugu isumaqatigiissutit naalagaaffik sinnerlugu Naalackersuisut Savalimmiunilu naalackersuisut peqatigiillutik isumaqatigiissutigisassavaat taaguuserlugit Kunngaqarfiup Danmarkip ilai tassaasut Savalimmiut aamma Kalaallit Nunaat.

Imm. 8. Taaguutit imm. 6-imi aamma imm. 7-mi aammalumi taaguutit allat assingusut atornerar-nissaannik maleruagassanik erseqqinnerusunik aalajangersaasoqarsinnaavoq imm. 5-imi aalajangersakkat naapertorlugit.

§ 13. Inatsisit inuiannut tamanut tunngasut pillugit isumaqatigiissutissat Kalaallit Nunaannut immikkut pingaarutillit isumaqatigiinniutigilersinagit Danmarkimi naalackersuisunit Naalackersuisut ilisimatinneqartassapput. Naalackersuisut piumasaqarnerat malillugu aalajangersakkap matuma iluani suleqatigiinnermi malittarisassanik erseqqinnerusunik Danmarkimi naalackersuisoq susassaartoq isumaqatigiissuteqarfigineqarsinnaavoq, ilanngullugu tunngavissanik erseqqinnerusumik aalajangersaasoqassaaq isumaqatigiissutit Kalaallit Nunaannut qanoq ilinikkut immikkut pingaaruteqarnerisut.

Imm. 2. Suliassani Kalaallit Nunaannut taamaallaat tunngasuni Naalackersuisut Danmarkimi naalackersuisunit Danmarkimi nunanut allanut ministereqarfiup peqataaffigisaanik isumaqatiginninniar-nissamut piginnaatinneqarsinnaapput.

Imm. 3. Isumaqatigiissutit Danmarkip Kalaallit

Nunaatalu isumaqatigiinniarnermi peqataaffigisaat, Danmarkimi naalakkersuisut atsiortassavaat, sapinngisamik annertunerpaamik Naalakkersuisut peqatigalugit.

Imm. 4. Inatsisit inuiannut tamanut tunngasut pillugit isumaqatigiissutit Kalaallit Nunaannut immikkut pingaarutillit atulersinneqarnissaat imaluunniit atorunnaarsinneqarnissaat sioqqullugu Naalakkersuisunut oqaaseqarfigisassat saqqummiunneqartassapput. Danmarkimi naalakkersuisut pisariaqartikkuniku Naalakkersuisut akuersisinnagit isumaqatigiissuteqarsinnaapput, tamanna pisassaaq isumaqatigiissut sapinngisamik annertunerpaamik Kalaallit Nunaannut suniuteqartussaatinngau.

§ 14. Nunat tamalaat akornanni suliniaqatigiiffiit periarfissamik ammaassigaangata immikkoortut inissisimasut naalagaaffiunngikkaluartut imaluunniit naalagaaffittut kattuteqqasut nammineq atertik atorlugu ilaasortaanissaannut, Naalakkersuisut noqqaassuteqarnerat naapertorlugu Danmarkimi naalakkersuisut isummersinnaapput ilaasortaanissamik qinnuteqaat tunniunniarlugu imaluunniit tapersorsorniarlugu, tamanna Kalaallit Nunaata tunngaviumik inatsisinut inissisimananut naleqquppat.

§ 15. Naalakkersuisut kissaateqarnerat malillugu Kunneqarfiup Danmarkip nunani allani aallartitaqarfiini suliaasaqarfiit tamakkerlugit Namminersorlutik Oqartussat tamakkiisumik tigummisaasa iluanniittunik kalaallit soqutigisaannik suliaqartussanik Naalakkersuisut sinniisuinik atorfinitsisoqarsinnaavoq. Danmarkimi

naalakkersuisut aalajangiisnaapput tamatumani aningaasartuutit Naalakkersuisut akilissagaat.

§ 16. Inuiaat akornanni isumaqatigiissutit inuiaallu akornanni malitassat sukkulluunniit naalagaaffimmut atuuttut malillugit pisussaaffiit Kalaallit Nunaanni Namminersorlutik Oqartussat malitassaraat.

Imm. 2. Namminersorlutik Oqartussat qanoq iliuuseriniagaat aallartinneqarnermik kullu naalagaaffiup nunanut allanut pissuseqarneranut annertuumik suniuteqarsinnaasut akuerineqartinatik naalagaaffimmut isumaqatiginninniutigineqartassapput, tassunga ilagitillugit naalagaaffiup inuiaat akornanni suleqateqarneranut tunngasut.

Kapitali 5

Kalaallit Nunaanni Namminersorlutik Oqartussat naalagaaffimilu oqartussat inatsisit aqutsinik kullu malittarisassiat pillugit suleqatigiinnerat

§ 17. Danmarkimi naalakkersuisut inatsisissatut siunnersuutaat Kalaallit Nunaannut atuuttussat imaluunniit atuuttussanngortinneqarsinnaasut Folketingimut saqqummiunneqartinatik Kalaallit Nunaanni Namminersorlutik Oqartussanut ingerlatinneqartassapput oqaaseqarfigisassanngorlugit.

Imm. 2. Danmarkimi naalakkersuisut inatsisissatut siunnersuutitik Kalaallit Nunaannuinaq tunngasunik imaluunniit Kalaallit Nunaannut immikkut pingaarutilinnik aalajangersakkanik imallit Folketingimut saqqummiutsinnagit, Namminersorlutik Oqartussat oqaaseqaataat utaqqqaar-tassavaat.

Imm. 3. Imm. 2-mi pineqartut oqaaseqaatit tunniunneqarnissaannut piffissaliussamik aalajangersaasoqarsinnaavoq.

§ 18. Aqutsinikkut malittarisassanut missiliuutit Kalaallit Nunaannut tunngassutillit imaluunniit atuuttussanngortinneqarsinnaasut, atortussanngortinneqarnissaat sioqqullugu Kalaallit Nunaanni Namminersorlutik Oqartussanut nassiunneqassapput oqaaseqarfigisassanngorlugit.

Imm. 2. Aqutsinikkut malittarisassat Kalaallit Nunaanni kisimi atuuttussat imaluunniit Kalaallit Nunaannut immikkut pingaarutillit atortussanngortinneqarnissaat sioqqullugu Namminersorlutik Oqartussat oqaaseqaataat utaqqqeaaqqaartassaaq.

Imm. 3. Imm. 2-mi pineqartut oqaaseqaatit tunniunneqarnissaannut piffissaliussamik aalajangersaasoqarsinnaavoq.

Kapitali 6

Saqitsaannermi aaqqiineq

§ 19. Kalaallit Nunaanni Namminersorlutik Oqartussat naalagaaffimilu oqartussat akornanni naalagaaffimmi oqartussanut naleqqiullugu Namminersorlutik Oqartussaannerup oqartussaassuseqarnerat nalornissutigineqarluni apeqquserneqarpat, Danmarkimi naalakkersuisut imaluunniit Naalakkersuisut aalajangiisnaapput apeqqut ataatsimiititamut aalajangiisartumut, Danmarkimi naalakkersuisut toqqagaannik marlunnik, Naalakkersuisut toqqagaannik marlunnik aamma Højesteretimi præsidentip toqqagaannik, Højesteretimi eqqartuussisunik pingasunik ilaasortalim-

mut, Højesteretimit toqqakkat ilaannik ataatsimik isumaqatigiinniarnermi siulittaasuulimmut, saqqummiunneqassasoq.

Imm. 2. Ilaasortat sisamat Danmarkimi naalakkersuisunit aamma Naalakkersuisunit toqqakkat isumaqatigiippata apeqquut inivissutut aalajangiivigineqassaaq. Tamatumunnga akerliusumik pisoqarpat apeqquut Højesteretimi eqqartuussisunit pingasunit aalajangiivigineqassaaq.

Imm. 3. Ataatsimiititaq aalajangiisartoq aalajangersaasinnaavoq aalajangiineq ataatsimiititamut aalajangiisartumut suliassanngortitaq atorunnaarsikkallarneqassasoq aalajangiisartut aalajangivinnissaasa tungaanut.

Kapitali 7

Oqaatsit

§ 20. Kalaallit oqaasii tassaapput Kalaallit Nunaanni pisortatigoortumik oqaatsit.

Kapitali 8

Kalaallit Nunaata namminiilivinnissamut periarfissai

§ 21. Kalaallit Nunaata namminiilivinnissaanik aalajangerneq inuiaata kalaallit aalajangernerannik tunngaveqassaaq.

Imm. 2. Imm. 1-imi pineqartutut ittumik aalajangiisoqarpat Kalaallit Nunaata namminiilivinnissaa piviusunngortinniarlugu Naalakkersuisut aamma Danmarkimi naalakkersuisut akornanni isumaqatigiinniarnernit aallartinneqassapput.

Imm. 3. Naalakkersuisut Danmarkimilu naalakkersuisut Kalaallit Nunaata namminiilivinnissaata

piviusunngortinnissaanik isumaqatigiissutaat pissaaq Inatsisartut akuersinerannik tunngaveqartumik aamma Kalaallit Nunaanni innuttaasunik taasisitsinikkut akuerineqassalluni. Aammattaaq taamatut isumaqatigiissuteqarneq Folketingip akuersineratigut pissaaq.

Imm. 4. Kalaallit Nunaata namminiilivinnerata kingunerissavaa Kalaallit Nunaata imminut naalagaaffittut oqartussaaffigilernerata.

Kapitali 9

Atuutilersitsineq ikaarsaariarnermilu aalajangersakkat

§ 22. Inatsit atuutilissaaq juunip 21-anni 2009.

§ 23. Kalaallit Nunaanni Namminersornerullutik Oqartussat pillugit inatsit nr. 577 29. novembari 1978-imeersoq atorunnaarpoq, takuulli imm. 2.

Imm. 2. Kalaallit Nunaanni Namminersornerullutik Oqartussat pillugit inatsimmi § 8 atuutiinnassaaq suliassa qarfiup atortussiassanit aatsitassanik pisunit tunngasup Kalaallit Nunaanni Namminersorlutik Oqartussanit tiguneqarnissaa-ta tungaanut.

Imm. 3. Suliassa qarfiit Kalaallit Nunaanni Namminersornerullutik Oqartussat pillugu inatsimmi § 4 malillugu tigusat pillugit Kalaallit Nunaanni Namminersorlutik Oqartussat inatsisiliornissamik aamma naalakkersuinissamik pissaaneqarnerat nangittumik ingerlaannarpoq.

Imm. 4. Suliassa qarfiit Kalaallit Nunaanni Namminersornerullutik Oqartussat pillugu inatsimmi § 5 malillugu tigusat pillugit Kalaallit Nunaanni Namminersorlutik Oqartussat inatsisiliornissa-

mik aamma naalakkersuinissamik pissaaneqarnerat nangittumik ingerlaannarpoq.

§ 24. Kalaallit Nunaanni naalakkersuisut inatsit inuiannut tamanut tunngasut naapertorlugit isumaqatigiissusiorsinnaaneratt pillugu inatsit nr. 577 24. juuni 2005- imeersoq atorunnaarpoq.

Imm. 2. Inatsit naapertorlugu malittarisassat atu- lersitat, inatsit manna malillugu allannguuteqar- lutik atuutiinnassapput, pisortatut oqartussamit pisussaasumit allanngortinneqarnissamik ima- luunniit atorunnaarsinneqarnissamik tungaannut.

§ 25. Kalaallit Nunaanni atortussiassat aatsi- tassanit pisut pillugit inatsimmi § 22 atorunnaar- poq, tak. inatsit pillugu nalunaarut nr. 368 18. juuni 1998-imeersoq.

§ 26. Selskabi Kalaallit Nunaanni ikummatissar- talitsigut sulissuteqarnernik il.il. isumaginnittus- saq pillugu inatsit, tak. inatsit pillugu nalunaarut nr. 87 9. februaari 1999-imeersoq, atorunnaar- poq.

§ 27. Inatsit nr. 502, 6. juni 2007-imeersoq 2008-mut aamma 2009-mut Kalaallit Nunaanni Namminersornerullutik Oqartussanut tapiissutit pillugit atorunnaarsinneqarpoq.

§ 28. Aalajangersakkat Kalaallit Nunaannut atuuttut inatsit manna naapertorlugu allannguuteqarlutik atuutiinnassapput pisortatut oqartus- samit pisussaasumit allanngortinneqarnissamik imaluunniit atorunnaarsinneqarnissamik tungaan- nut.

§ 29. Suliassat Kalaallit Nunaanni Namminer-sorlutik Oqartussanut nuunneqarnissamik tunngaannut, Danmarkimi oqartussanit sularineqartut Kalaallit Nunaanni oqartussanit susassaqartut inaarneqassapput, taamaattoorli tak. imm. 2.

Imm. 2. Danmarkimi pisortatut oqartussaq susassaqartoq pisuni immikkut ittuni aamma Kalaallit Nunaanni oqartussamik susassaqartumik isumaqatigiissuteqarnikkut aalajangiisinaavoq, suliat ilaat aalajangersimanerusut Danmarkimi oqartussanit inaarlugit sularineqassasut.

Tunniunneqarpoq Christiansborgimi ulloq 12. juni 2009

Kunngiussutsitsinnik Atsiorpugut Naqissusiil-lutalu

MARGRETHE R.

/

Lars Løkke Rasmussen

Ilanngussaq

Nalunaarsukkat I

- a) Sulisilluni ajoqusersinnaanermut sillimmasiissutit
- b) Peqqinnissaqarfimmi suliassaqarfiit sinneri
- c) Angallannermut tunngasut
- d) Pigisat nalillit pillugit inatsiseqarneq
- e) Aqqartartoqarneq

Nalunaarsukkat II

- 1) Pinerluttunik isumaginninneq
- 2) Passi
- 3) Politiit aamma unnerluussisoqarneq kiisalu pinerluttunik eqqartuussisarnermut tunngasut immikkoortut ilaat taakkununga attuumassutillit
- 4) Eqqartuussisarneq, eqqartuussiviit pilersinnissaat ilanngullugit
- 5) Pinerluttunik eqqartuussisarneq
- 6) Nunami allamiunut killeqarfinnillu nakkutilliineq
- 7) Inuit pillugit inatsisit
- 8) Ilaqutariit pillugit inatsisit
- 9) Kingornussisarneq pillugu inatsisit
- 10) Eqqartuussissuserisoqarneq
- 11) Sakkunut tunngasut
- 12) Nalunaarasuartaatitigut imaatigut angalasunik ajornartoornermi isumannaal-lisaanernilu sullissinerit
- 13) Nalunaarasuartaatitigut atassuteqarneq

- 14) Ingerlatseqatigiiffinnut, naatsorsuuserisar-nermut kukkunersuiisarnermullu tunngasut
- 15) Inuussutissanik nakkutilliineq nersutillu nakorsa-qarneq
- 16) Silaannakkut angallanneq
- 17) Pigisat nalillit tigussaasuunngitsut pillugit inatsiseqarneq
- 18) Pilersitseqqartutut piginnaatitaaffiit
- 19) Umiiarnerlukut, umiartoqarnerani usit aamma immani itissutsit ajorseriarneri
- 20) Imarsiornerup isumannaatsuunissaa
- 21) Umiarsuarnik nalunaarsuineq inatsisillu immakkut angalasunut atuuttut
- 22) Nunap assilioqarneq
- 23) Imaani nalunaaqutsersuineq, naaralaartitsiviit ilisimasortaqartarnerlu
- 24) Immami avatangiisit
- 25) Aningaasarsiornikkut iluarsiiisuteqartarneq nakkutilliinerlu
- 26) Atortussiassanik aatsitassanit pisunit tunngasut
- 27) Suliffimmi avatangiisit
- 28) Silasiorneq